

27 Junie 2013

Jaargang 6 – Uitgawe 20

In hierdie uitgawe

- Voorblad
- Beroepe en standplase
- Predikante en gemeentes
- Ander nuus
- Agterblad



Teken in op die e-Hervormer en ontvang elke uitgawe gratis per e-pos!

• Stuur 'n e-pos aan karen@nhk.co.za

Nuus, berigte en kort kommentaar (uiters 100 woorde) aan produksie@nhk.co.za

VOORBLAD

Die stille pyn van pastoraat

Een van 'n predikant se slegste ervaringe is om 'n oproep te ontvang oor en uitgeroep te word na 'n geval waar iemand vermoor is.

Die een oomblik was jy nog ontspanne. Die volgende oomblik voel jy lam van skok, adrenalien en al die chemiese reaksies wat ongevraag oor jou gemoed kom spoel het. Jy weet jy moet jou eie emosie kalm hou, want jy moet gaan troos en ondersteuning verleen. Diep binne jou bid jy vir wysheid, want jy moet herder wees wat kalmte en sagtheid gaan bring.

Die eerste moordgeval wat ek moes hanteer, het 'n ander soort besiedheid oor my laat spoel. Daardie geval was iets anders as die gewone sake wat 'n mens gewoonlik op jou pastorale lessenaar kry. Die 49ste geval onthou ek nog beter. Ek het onbedaarlik aan die bewese gegaan, op my knieë neergesak en gebid: *Here, asseblief, nou kan ek nie meer nie.*

Ja, u het reg gelees. Ek het al 49 slagoffers van moord begrawe... en het sielkundig 'n vrees ontwikkel vir die 50ste een. Waarom deel ek hierdie ervaring? Ek wil hiermee deel dat daar ook soms stille pyn by predikante kan kom wat óf ondersteunend óf afskepend hanteer kan word.

Sulke traumatiese gevalle het gewoonlik verskillende gesigte. Eers is daar die emosioneel verwondes: die gesins-, familie- en vriendekringe na wie troos en kalmte gebring moet word. Dan is daar die nuuskieriges en sensasiemakers wat die gebeure wil oorvertel. Derdens is daar die pastor. Mense aanvaar sy teenwoordigheid. Hulle ag hom as sterk, want hy is opgelei om sulke situasies te hanteer. Dit is sy werk. Die enigste ontloning wat hy regtig kry, is wanneer iemand sou sê: *Baie sterkte vir jou.*

Eugene Peterson, 'n bekende Presbiteriaanse professor in Amerika, het in sy *Five smooth stones for pastoral work* (1992) geskryf dat die moderne en postmoderne tyd, van alle tye, die minste ondersteuning aan pastors van die kerk bied.

Net soos in enige pastorale geval, verg die aard van predikante se werk en omstandighede dat hulle ook terapeuties versorg moet word. Gedeelde pyn word dikwels helende genesing. In ons prestasiegerigte samelewing waar nie altyd stilgehou word by beseerdes nie, kan ondersteunende kollegialiteit en broederlike/susterlike begrip 'n groot verskil maak in die liefde, effektiwiteit en dienswerk wat in die kerk moet gebeur.

Hiermee word nie gesê dat daar geen liefde in die kerk bestaan nie. Hiermee word wél gesê dat die kerk en elke lidmaat se liefdevolle ondersteuning en begrip 'n geweldige helende verskil kan maak aan die samehorigheid in die kerk.

Paulus het nie om dowe neutte nie geskryf: *Dra mekaar se laste* (Gal 6: 2). Of, *wees eensgesind onder mekaar soos Christus Jesus dit wil hê* (Rom 15: 5). Jesus sê self se opdrag was: *Julle moet mekaar liefhê soos Ek julle liefhet* (Joh 15: 12).

Terapie kan op baie wetenskaplike maniere verkry word, maar daar is niks meer helend nie as die liefde wat kollegas, ouderlinge, diakens en lidmate onderling in die kerk vir mekaar kan gee.

Skakels

Webblad van die Hervormde Kerk www.nhka.org

Die Hervormer www.hervormer.co.za

e-Hervormer www.hervormer.co.za/e_Hervormer.html

Indien u nie weer die e-Hervormer wil ontvang nie, klik op www.hervormer.co.za/cancel.html

**Ds Neels van Tonder
Buffelspoort**



BEROEPE EN STANDPLASE

Kontak die webbladredakteur, prof Ernest van Eck, by ernest.vaneck@up.ac.za om vakante standplase op die Kerk se amptelike webblad by www.nhka.org te plaas. Onthou asseblief dat 'n standplaas eers vakant verklaar moet wees voordat dit geadverteer mag word. Kontak dr Frikkie Labuschagne by 012 322 8885 x256 in dié verband.

Beroep aanvaar

- **Ds Antionette Janse van Rensburg** (benoeming Wonderboompoort) na Noordelike Pretoria (benoeming)
- **Ds Marna van der Westhuizen** van Ogies (deelyds) na Oos-Moot (benoeming)

Vakante standplaas

- **Gemeente Saffierkus in Amanzimtoti** beplan om eersdaags te beroep/benoem en wag aansoeke in van predikante (**emeriti ingesluit**) wat nie voltyds 'n ander beroep beoefen nie en wat **permanent of vir 'n korter periode in deelydse/deelsorghoedanigheid** of as **pastorale sorg** in die gemeente kan werk. Profiel van gemeente: 130 belydende lidmate, die helfte ouer as 55. Diensbeskrywing: Gewone werk van 'n voltydse predikant met besondere klem op prediking, pastoraat en opbou van die gemeente. Vergoeding: Alles insluitend R14 000 per maand. Samestelling van pakket onderhandelbaar. Die kerkraad behou die reg voor om enige of geen van die aansoeke te aanvaar. Navrae kan gerig word aan Celia Biggs by 031 903 7970 / 082 410 5444, Frans Hamilton by 082 565 8293, of prof Biëks Beukes by 072 036 4960. CV's kan na cbiggs@telkomsa.net gestuur word. **Aansoeke sluit op 31 Julie 2013.**



Ds Antionette Janse van Rensburg Ds Marna van der Westhuizen

Bydraes vir maandelike plasing in die *e-Hervormer* moet asseblief teen Dinsdaemiddae 16:00 **OP DIE LAATSTE** na produksie@nhk.co.za gestuur word.

PREDIKANTE EN GEMEENTES

Stuur asseblief berigte oor lief en leed en gemeentegebeure na produksie@nhk.co.za. Die redaksie doen alles in hul vermoë om inligting korrek weer te gee, maar maak vanselfsprekend staat op die integriteit van die besonderhede soos verskaf.

Indien u of iemand van wie u weet die afgelope week/weke nie die *e-Hervormer* ontvang het nie, kan u in verbinding tree met Karen Breedt by karen@nhk.co.za. Dit blyk dat die kantoor se antivirusprogram maandelik vir die versendingsprobleme verantwoordelik is.

- **Prof Lourens en mev Duveen Steenkamp se kleinseun Juan Steenkamp** is die afgelope week oorlede. Hy was 12 jaar oud. Juan het aan Ehlers-Danlos-sindroom gely. Ons innige simpatie gaan aan die familie.
- 'n Verdere **openbare lesing** wat deur die Hervormde Teologiese Kollege (HTK) gereël is, het plaasgevind op Woensdag 12 Junie by die Fakulteit Teologie aan UP. Die gespreksleier was **dr Wouter van Wyk** en die tema *Die Bybel, interpretasie en Skrifgebruik*. Die geleentheid is bygewoon deur verskeie gemeentepredikante, dosente, ouderlinge, emeriti en lede van die Kommissie van die AKV. 'n Volledige video-opname van dr Van Wyk se inleiding asook die gesprek wat daaruit gevolg het, sal **binnekort op die Kerk se webblad** beskikbaar wees.
- Neem asseblief kennis van die **nuwe pastorieadres vir ds Thomas Dreyer van Gemeente Durban**. Dit is Dawncliffweg 58, Dawncliff, Durban, en die telefoonnommer is 031 266 6925.
- **ADV se Jaar vir Gestremdheid: Respekteer en akkommodeer**. Mense wat gehoorverlies het, sal dit waardeer as jy jouself in hul skoene plaas en vra: *Wat het hy/sy nodig om te verstaan wat aangaan?* (Vicki Fourie, Mej Dowe SA 2009).



Spesiale eredienste en feesnaweke

- **Gemeente Vereeniging: Eeufeesviering 24 tot 25 Augustus**
Saterdag 24ste: Gesellige bring-en-braai op kerkerrein
Sondag 25ste: Erediens met Albertonse Mannekoor om 09:00
Program en gesamentlike middagete
Gelukwensings kan gestuur word na pbboshoff@telkomsa.net
- **Gemeente Otjiwarongo: 75-jaar-viering**
Vrydag 30 Augustus: Optrede deur opkomende musiekster Lisa Bröner
Saterdag 31 Augustus: Feesgeleentheid
Stalletjies, gesinsvermaak, potjiekoskompetisie en jaarlikse naggolf
Sondag 1 September: Hoeksteenonthulling en erediens
gelei deur ds Barrie Oberholzer
Vir verdere inligting, inskrywings of borge kontak ds Elritia le Roux
+264 876 3664 of e-pos propeleroux@gmail.com
- **Gemeente Wonderboompoort: 60-jaar-viering: Sixties**
25, 26 en 27 Oktober
Op kerkerrein in Eloffsdal, Pretoria
Stuur groetewense, staaltjies, herinneringe en foto's vir gedenkblad
Baardgroeikompetisie vir die manne
Modeparade met toeka se klere vir die dames
Kontak skriba Sieg Schwarzer by 012 335 4181 vir meer inligting
Gedenkbladbydraes aan ds Carel-Johann de Bruin by cjdb@telkomsa.net
- **Gemeente Goede Hoop (Piet Plessis): 100 jaar**
Feesnaweek 29 November tot 1 Desember
Basaar en hoeksteenoprigting (met optrede deur sanger Pieter Smith)
asook Voorbereiding Saterdag
en Nagmaal en Danksegging met doop Sondag
Gedenkalbum deur prof Hennie van der Westhuizen
Navrae en bestellings aan ds Arno Nieuwhof by 073 240 6030
of arnonieuwhof@gmail.com of op sy Facebook-blad

Predikanteverjaardae

- **Die volgende predikante verjaar tot 5 Julie, en word hartlik geluk gewens.**
 - Vrydag 28 Junie: Di Coen de Lange (emeritus) en Elsie Pretorius (Weltevreden)
 - Sondag 30 Junie: Ds Koos Jansen van Rensburg (emeritus)
 - Maandag 1 Julie: Di Willie Botha (Lydenburg), Marlize Gasson (Benoryn) en Maryka Potgieter (Rooihuiskraal)
 - Dinsdag 2 Julie: Di Wynand de Beer (emeritus) en Martin Jansen van Rensburg (Phalaborwa)
 - Vrydag 5 Julie: Prop Carusta van der Merwe (beroepafwagting)

Kursusse en toerusting

- **Hervormde Teologiese Kollege (HTK): Openbare lesing**
Donderdag 8 Augustus om 19:00
Dr Wim Dreyer: *Die resente kerkgeskiedenis van die NHKA*
By die Fakulteit Teologie, UP
Alle lidmate en ampsdraers is welkom om die lesing by te woon
en aan die gesprek deel te neem
- **Interkerklike trauma-ondersteuningskamp**
Vir naasbestaendes van slagoffers



9-11 Augustus by Magaliesberg-kampsterrein
Hooffasiliiteerder: Ds Pieter Oberholzer, Weermagkapelaan
en predikant van NG Kerk Groenkloof
Koste: R550 per persoon (akkommodasie, etes en konferensiefasiliiteite)
Bespreek by Elize by 072 600 5809 of
deoudepastorie.victoriawest@gmail.com
Navrae oor inhoud van program aan Pieter by 082 332 5782 of
pieterjanob@gmail.com

Beskikbare behuising

- **Gemeente Philadelphia** het **akkommodasie** beskikbaar vir 'n **student**. Dit bestaan uit 'n privaatkamer met gemeenskaplike ablusie en kombuis. Dit is binne stapafstand van die Universiteit en daar is veilige parkering. Die koste is R2 860 per maand, wat skoonmaakdienste een maal per week insluit. Kontak Elize Fourie by 012 362 7237 tussen 08:30 en 12:30 op woensdae, of dr Sanrie de Beer by 083 226 1866, of stuur 'n e-pos na philadelphia@nhk.co.za.
- **Louis Trichardt Monumenttehuis in Danville** bied enkel- en dubbelkamer-inwoning vir **bejaardes** wat nog selfversorgend kan funksioneer. Aangename huislike atmosfeer, 2 x etes ingesluit by losies, billike tariewe. Gereelde sosiale programme. Vir meer inligting, kontak mev Marie Hunter by 012 386 5310.
- **Piet Potgieter Monumenttehuis in Mokopane (Potgietersrus)**
Die volgende akkommodasie is tans by die Dienshuise beskikbaar:
2 groot luukse kamers: R4 500 elk
Kleiner kamer met stort: R3 000
Klein kamer sonder badgeriewe: R2 250
Ontbyt en middagetete ingesluit
Gesik vir selfversorgende bejaardes, wat self hul kamer en wasgoed moet doen
Rustige, plattelandse dorp ideaal vir aftrede
Kontak bestuurder mev Mariana van Tonder by 015 491 6314
- **Andries-Marié Oosthuizen Monumenttehuis-woonstelle in Parys**
Daar is tans die volgende behuising vir senior burgers beskikbaar:
2 x enkelkamer met 3 etes, wasgoed en skoonmaak van kamer 1 x per week
1 x lieflike enkelkamer met eie kombuis, stoep en tuin,
met 3 etes, wasgoed en skoonmaak van kamer 1 x per week
R5 800 per maand
Kontak matrone Botha by 056 811 2185 vir meer besonderhede

Kampe en toere

- **Toer saam na Israel en Egipte: 28 November tot 7 Desember 2013**
Beleef God in die voetspore van Jesus
Toerleiers: Ds Fanie Beukes en dr Francois Carr
Vir meer inligting, kontak ds Beukes by 073 167 1183
of per e-pos by faniebeukes@yahoo.com
- **Konteks-leserstoer na Turkye: NUWE DATUM!**
1 tot 17 Mei 2014
15 dae op die voetspore van Paulus, Johannes en die eerste Christene
Toerleier: Prof Ernest van Eck
Plek vir slegs 30 – bespreek betyds!
Kontak prof Van Eck by 012 420 3804 / 082 413 2332 /
ernest.vaneck@up.ac.za
of Louise Geyser (reisagent) by 012 361 0579 / 082 560 4279 /
louise.geyser@absamail.co.za



Kompetisies en fondsinsamelings

- **Gemeente Wonderboom: 1ste Kaiingfees in Suid-Afrika**
Saterdag 20 Julie 08:00 tot 13:00
Op die kerkerrein, Marjoramlaan 84, Sinoville
Verskeie ander geregte ook, soos melkkos, pannekoek en mampoer
Uitstallers welkom @ R200 per stalletjie
Kontak die gemeentelike kantoor by wboom@nhk.co.za / 012 567 3693
of Ettienne by 082 674 6560 / ettienne@absamail.co.za
- **Gemeente Laer Suidkus: Jaarlikse Prawn-fees**
NOU OP Vrydag 26 Julie vanaf 18:30
In saal van Hoërskool Suid-Natal
Driegangmaal met eet-soveel-prawns-as-jy-wil as hoofgereg
R150 per persoon
Ete met hoender as hoofgereg teen R75 per persoon ook beskikbaar
Besprekings is belangrik, want kaartjies verkoop vinnig
Kontak Jacques Pieterse by 082 458 4482 of jacquesjean@vodamail.co.za
- **Gemeente Benoryn: Winterwarmfees**
Vrydag 26 Julie van 15:00 tot laat
Langs Linmed-hospitaal in Strubenstraat, Benoni
Winterkosse, sop, brood en tuisgebak
Uitstallers welkom
Kom geniet die warm vure en heerlike kos
Kontak Marlize by 072 117 0317
- **Gemeente Witfield: Boog- en geweerjagkompetisie**
Kaartjies: R100 donasie
1ste prys: Koedoebul, sebra, blouwildebees, 2 rooibokke, 2 blesbokke
plus 5 dae en 4 nagte verblyf
2de prys: Blouwildebees, sebra, rooibok, blesbok
plus 4 dae en 3 nagte verblyf
3de prys: Blouwildebees, rooibok, blesbok
plus 3 dae en 2 nagte verblyf
Geborg deur Nyalarus-wildplaas tussen Groblersdal en Marble Hall
Plaas se professionele jagter kan gebruik word
Kontak Adri Nel by 084 200 1027
of Chaan Bezuidenhout by 082 853 5895
Sluitingsdatum 31 Augustus, trekking 1 September 2013

GEMEENTES HARTBEEFONTEIN EN GERDAU: FONDSINSAMELING

Wen-'n-boerdery en Noag-se-ark-skildery
Geleentheid om R50 000 in te samel
Pakket van 50 kompetisieboekies met 11 kaartjies in elke boekie
Betaal R5 000 vir pakket van R55 000
50 pryse te wen, in totaal meer as R100 000 werd
Wen plaasdiere, bokke, varke, duiwe en vele meer!
Trekking in Oktober 2013
Kontak Barry of Marthie Pretorius van Hartbeefontein
by 018 431 0331, faks 086 550 1874 of barrypret@lantic.net
Verdere navrae aan ds Petrus Harmzen by 082 777 4253





Basaars en markte

- **Saterdag 29 Junie: Gemeente Coligny: Winterfees**
Modeparade met eie modelle en gasmodelle
Hoëgehalte vleis teen billike pryse
Kaiings, pannekoek, *jaffles*, kerrie-en-rys, nagereg, tuisgebak...
Vissievang, skyfskiet, snoepie, verfbal...
Witolifantveiling, springkasteel vir die jonges
Potjiekoskompetisie, kolwyntjiekompetisie
Heelwat pryse te wen – pragtige loop-troop, juwelekissie...
Navrae aan jsjordan@telkomsa.net
- **Saterdag 29 Junie vanaf 10:00: Jaarlikse groot basaar
Drie Afrikaanse Samewerkende Kerke op Bulawayo**
Op kerkterrein hv George Silundika- en 13de Straat, Bulawayo
Toeriste: Kry die goedkoopste vleis vir die res van jul toer hier
Dit sal ook die beste kwaliteit wees!
Kom kuier en geniet egte Zim-boeregasvryheid
met koeksisters, pannekoek en alles wat mens op 'n basaar kry
Navrae aan ds Theuns Botha 00263777008324 of camelhors@gmail.com
- **Saterdag 26 Oktober: Gemeente Kempton Park-Oos
KPO Lekker Kuier Kontreifees**
Uitstallers en kosstalletjies
Gaskunstenaar Die Flooze (Sorina)
Toegang R20 per persoon
Kom geniet 'n heerlike dag
Kontak Anneline by 082 924 7344 of Marius by 072 778 1033

ANDER NUUS

- **Vakature: Assistentverpleegster**
By Andries-Marié Oosthuizen Monumenttehuis in Parys, Vrystaat
Tehuis vir verswakke en selfversorgende bejaardes
Pligte: Algemene versorging van inwoners, bedwas
en kliniekdienste soos die neem van bloeddruk
Vereistes: Goeie interpersoonlike en kommunikasievaardighede
Vorige ervaring in veld van verpleging van bejaardes sal sterk aanbeveling wees
Moet geregistreer wees by die Verpleegstersraad
Normale diensvoorwaardes
Stuur CV aan mev A Botha, faks 056 817 7525 of e-pos hf@otmt.org
- **Rousmartseminaar: Saterdag 27 Julie 08:30 vir 09:00 tot 14:00
Sonja Smith Begrafnisgroep**
Ds Braam Klopper oor *Verstaan en hantering van mense in die rouproses*
Sanlam-ouditorium, hv Lynnwoodweg en Sanlamstraat, Lynnwood Glen, Pretoria
(Ingang in Alkantrandweg 11)
Bespreek aanlyn by www.hanaevents.com
Navrae: 012 997 0125 / 083 306 4489
Koste vir 4 ure intensiewe opleiding R475
Ingesluit Braam Klopper se boek *Wanneer woorde ontbreek*
asook kernaantekeninge
Tee, koffie en verversings
Predikante verdien 5 VBO-punte vir bywoning
plus 5 punte indien hulle 'n vraelys beantwoord oor die boek
HPCSA (sielkundiges, dokters, arbeidsterapeute, fisioterapeute, ens):
5 VBO-punte
SACSSP (maatskaplike werkers): 2,5 VBO-punte

- **Opleiding in brugbediening: Sentrum vir Kontekstuele Bediening**
Eerste week: 5-8 Augustus
Onder leiding van prof Malan Nel
Teologiegebou, UP
Tweede week: 7-10 Oktober
Aanbieders Johan van Loggerenberg, Christo van der Merwe, Willem Boshoff, Errol Dengler, Colin Goeman en Howard du Toit
Noordoos-Pretoria se kerkentrum in Kilnerpark
Koste: R1 330 (sommige sinodes dra by om die koste te dek)
Kontak Suki by Sentrum vir Kontekstuele Bediening vir meer besonderhede
012 420 4952 / suki.vanjaarsveld@up.ac.za
- **Maandag 14 Oktober 09:00 tot 16:00**
Predikanteseminaar
Tema: *Tussen-Testamentêre Tydperk / Tweede Tempelperiode – stil of nie?*
Noordwes-Universiteit, Potchefstroom-kampus
Kamer 204, Fakulteit Teologie
Aanbieders dr Jacobus de Bruyn en mnr Eugene Coetzer
Alle kerkverbande se leraars word uitgenooi
Dien as verdere opleiding vir predikante
R320 per persoon, sluit middagete en verversings in
Inskrywings teen **Vrydag 20 September** op die laaste
Navrae aan dr Jacobus de Bruyn by 072 606 1661 /
jacobus.debruyn@gmx.com

AGTERBLAD

Toer die Droom 2013

Die Philadelphia-fietstoer is 'n inisiatief deur studente aan die Universiteit van Pretoria. Hulle belê in die toekoms van minderbevoorregte mense en kinders in en om Pretoria en beoog om gedurende 2013 R500 000 in te samel.

Elke dag van die toer sal bestaan uit ongeveer 40 tot 60 km se fietstrap (afhangende van omstandighede) en ten minste een fondsinsamelingsgeleentheid by 'n gewilde inkopiesentrum wat vooraf geïdentifiseer is.

Die 2013-toer vind plaas van Saterdag 29 Junie tot Saterdag 13 Julie. Dit begin in Pretoria, en sal daarna soos volg verloop:

30 Junie:	Bronkhorstspuit
1 Julie:	Witbank
2 Julie:	Middelburg
3 Julie:	Belfast / Dullstroom
4 Julie:	Lydenburg
5 Julie:	Toernaweek
8 Julie:	Sabie
9 Julie:	Nelspruit
10 Julie:	Nelspruit
11 Julie:	Komatipoort
12 Julie:	Malelane
13 Julie:	Pretoria



Kontak Joleen Joubert (Bemaking) by joleen@mweb.co.za / 072 272 6644 vir meer inligting.